

0.0.1 saṃvarappadhānasuttam

1. cattārīmāni bhikkhave padhānāni, katamāni cattāri? saṃvarappadhānaṃ pahāṇappadhānaṃ, bhāva-nappadhānaṃ, anurakkhaṇappadhānaṃ.

2. katamañca bhikkhave saṃvarappadhānaṃ? idha bhikkhave bhikkhu cakkhunā rūpaṃ disvā na nimittaggāhī hoti nānuyyañjanaggāhī, yatvādhikaraṇame-taṃ cakkhundriyaṃ asaṃvutaṃ viharantaṃ abhijjhā domanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati cakkhundriyaṃ, cakkhundriye saṃvaram āpajjati. sotena saddaṃ su-tvā na nimittaggāhī hoti nānuyyañjanaggāhī, yatvādhikaraṇame-taṃ sotindriyaṃ asaṃvutaṃ viharantaṃ abhijjhā domanassā pāpakā akusalā dhammā anvāssa-veyyū, tassa saṃvarāya paṭipajjati, rakkhati sotin-driyaṃ, sotindriye saṃvaram āpajjati. ghāṇena gan-dhaṃ ghāyitvā na nimittaggāhī hoti nānuyyañjanag-gāhī, yatvādhikaraṇame-taṃ ghāṇindriyaṃ asaṃvutaṃ viharantaṃ abhijjhā domanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati ghāṇindriyaṃ, ghāṇindriye saṃvaram āpajjati. jivhāya rasaṃ sâyitvā na nimittaggāhī hoti nānuyyañjanaggāhī, yatvādhikaraṇame-taṃ jivhindriyaṃ asaṃvutaṃ viha-rantaṃ abhijjhā domanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati jivhindriyaṃ, jivhindriye saṃvaram āpajjati. kāyena phoṭṭhabbaṃ phusitvā na nimittaggāhī hoti nānuyyañ-

janaggāhī, yatvādhikaraṇametam kāyindriyaṃ asaṃvutaṃ viharantaṃ abhiññā domanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati kāyindriyaṃ, kāyindriye saṃvaram āpajjati. manasā dhammaṃ viññāya na nimittaggāhī hoti nānuyyañjanaggāhī, yatvādhikaraṇametam manindriyaṃ asaṃvutaṃ viharantaṃ abhiññā domanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati manindriyaṃ, manindriye saṃvaram āpajjati. idaṃ vuccati bhikkhave saṃvappadhānaṃ.

3. katamañca bhikkhave pahāṇappadhānaṃ? idha bhikkhave bhikkhu uppannaṃ kāmavitakkaṃ nādhivāseti, pajahati, vinodeti, vyantīkaroti, anabhāvaṃ gameti. uppannaṃ vyāpādavitaṃ nādhivāseti, pajahati, vinodeti, vyantīkaroti, anabhāvaṃ gameti. uppannaṃ vihiṃsāvitakkaṃ nādhivāseti, pajahati, vinodeti, vyantīkaroti, anabhāvaṃ gameti. uppannuppanne pāpake akusale dhamme nādhivāseti, pajahati, vinodeti, vyantīkaroti anabhāvaṃ gameti. idaṃ vuccati bhikkhave pahāṇappadhānaṃ:

4. katamañca bhikkhave bhāvanappadhānaṃ? idha bhikkhave bhikkhu satisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossagga-pariṇāmiṃ. dhammavicayasambojjhaṅgaṃ bhāveti vivekanissitaṃ virāganissitaṃ nirodhanissitaṃ vossagga-

gapariṇāmiṃ. viriyasambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. pītisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. passaddhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. samādhisambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. upekkhāsambojjhaṅgaṃ bhāveti vivekanissitaṃ virāganissitaṃ nirodhanissitaṃ vossaggapariṇāmiṃ. idaṃ vuccati bhikkhave bhāvanappadhānaṃ.

5. katamañca bhikkhave anurakkhaṇappadhānaṃ? idha bhikkhave bhikkhu uppannaṃ bhaddakaṃ samādhinimittaṃ anurakkhati aṭṭhikasāññaṃ pulavakasāññaṃ vinīlakasāññaṃ vipubbakasāññaṃ vicchiddakasāññaṃ uddhumātakasāññaṃ. idaṃ vuccati bhikkhave anurakkhaṇappadhānaṃ.

6. imāni kho bhikkhave cattāri padhānānīti.

samvaro ca pahāṇaṃca,
bhāvanā anurakkhaṇā;
ete padhānā cattāro,
desitādiccabandhunā;
yehi bhikkhu idhātāpī,
khayaṃ dukkhassa pāpuṇe'ti.